



ԵԿԵՂԵՑԱԿԱՆ ԲԵՄ. ԼՈՒՐԵՐ

Փետրվարի 1-ին, կիրակի.—Այսօր Մայր տաճարում, Ավագ ա. սեղանի վրա, ա. պատարագ մատուցեց Ս. Միքայել քին. Կյուրեղյանը և «Հայր մեր»-ից առաջ քարոզ խոսեց՝ «Ամեն, ամեն ասեմ ձեզ, զի Որ հաւատայ յիս՝ ընդունի զկեանսն յաիտեմականս» (Հովհ. Զ 47) բնաբանով:

Ա. պատարագին ներկա էր Վեհափառ Հայրապետը:

Փետրվարի 4-ին, չորեքշաբթի.—Այսօր Վեհաբանում, Վեհափառ Հայրապետի նախագահությամբ, տեղի ունեցավ հերթական միաբանական հավաքույթ:

Փետրվարի 8-ին, կիրակի.—Բարեկենդան առաջատուրաց պահոց:

Այսօր Մայր տաճարում, Ավագ ա. սեղանի վրա, ա. պատարագ մատուցեց Ս. Պարգև արք. Մարտիրոսյանը և «Հայր մեր»-ից առաջ քարոզ խոսեց՝ «Երկինք և երկիր անցցեն, և բանք իմ մի անցցեն» (Մատթ. ԻԴ 35) բնաբանով:

Փետրվարի 14-ին, շաբաթ.—Տեառնընդառաջ: Տօն քառասնօրեայ գալստեանն Զրիստոսի ի Տաճարն:

Այսօր Մայր տաճարում, Ավագ ա. սեղանի վրա, օրվա մեծ տոնի առթիվ, ա. պատարագ մատուցեց Ս. Խաչատուր քին. Ֆրանկյանը:

Փետրվարի 15-ին, կիրակի.—Այսօր Մայր տաճարում, Ավագ ա. սեղանի վրա, ա. պատարագ մատուցեց Ս. Զավեն արք. Խաչատրյանը և «Հայր մեր»-ից առաջ քարոզ խոսեց՝ «Արդ արձակեա զճառայս քո, Տէր, ըստ բանի քում ի խաղաղութիւն. Զի տեսին աչք իմ զփրկութիւն քո» (Ղուկ. Բ 29) բնաբանով (տես էջ 50):

Փետրվարի 25-ին, չորեքշաբթի.—Այսօր Վեհաբանում, Վեհափառ Հայրապետի նախագահությամբ, տեղի ունեցավ հերթական միաբանական հավաքույթ:

Փետրվարի 27-ին, ուրբաթ օրը, Մոսկվայի խաղաղության համաժողովից հետո Մայր Աթոռ ժամանած Փարիզի հայոց թեմի առաջնորդ գերաշնորհ Ս. Գլուս եպս. Նազգաշյանը և Կանադայի հայոց թեմի առաջնորդ գերաշնորհ Ս. Վազգեն եպս. Բեշիշյանը մեկնեցին իրենց թեմեր:

* * *

Մարտի 1-ին, կիրակի.—Բուն Բարեկենդան:

Այսօր Մայր տաճարում, Ավագ խորանի վրա, ս. պատարագ մատուցեց Ս. Եղիշե ավագ քին. Բաղրամյանը: «Հայր մեր»-ից առաջ քարոզ խոսեց Վեհափառ Հայրապետը՝ «Եւ եղև Խաղաղութիւն մեծ» (Ղուկ. Ը 24) բնաբանով (տես էջ 3):

* * *

Մարտի 4-ին, 6-ին և 7-ին հաջորդաբար Մայր Աթոռ ժամանեցին Գերագույն Հոգեվոր Խորհրդի անդամներ՝ Եգիպտոսի հայոց թեմի առաջնորդ գերաշնորհ Ս. Զավեն արքեպս. Չինչիկյանը, ԱՄՆ-ի հայոց արեւելյան թեմի առաջնորդ գերաշնորհ Ս. Թորգոմ արքեպս. Մանուկյանը և պրն. Արմեն Բարսեղյանը (Փարիզ), ինչպես նաև ԱՄՆ-ի արևմտյան թեմի առաջնորդ գերաշնորհ Ս. Վաչե արքեպս. Հովսեփյանը:

* * *

Մարտի 8-ին, կիրակի.—Բ կիրակի Քառասնորդական Պահոց (Արտաքսման):

Այսօր Մայր տաճարում, Ավագ խորանի վրա, ս. պատարագ մատուցեց Ս. Միքայել քին. Կյուրեղյանը: «Հայր մեր»-ից առաջ քարոզ խոսեց ուխտավորաբար Մայր Աթոռում գտնվող Եգիպտոսի հայոց թեմի առաջնորդ գերաշնորհ Ս. Զավեն արքեպս. Չինչիկյանը:

Ս. պատարագին ներկա էր Վեհափառ Հայրապետը:

* * *

Մարտի 11-ին, չորեքշաբթի.—Այսօր հոգևոր անարանի հանդիսությունների դասի ժամ տեղի ունեցավ գրական երեկո: Երեկոյի ընթացքում մասնագիտությամբ բժիշկ պրն. Կամո Տեր-Պետրոսյանի և ֆիզիկոս տկն. Մարի Պահուտյանի կատարմամբ հնչեցին արևմտահայ բանաստեղծների ստեղծագործություններից:

Երեկոյին ներկա էր Վեհափառ Հայրապետը:

Երեկոյին ներկա էին նաև գերաշնորհ Ս. Թորգոմ արքեպս. Մանուկյանը, գերաշնորհ Ս. Զավեն արքեպս. Չինչիկյանը, գերաշնորհ Ս. Վաչե արքեպս. Հովսեփյանը:

և գերաշնորհ Ս. Գարեգին եպս. Ներսիսյանը:

* * *

Մարտի 14-ին, 15-ին և 16-ին հաջորդաբար իրենց թեմեր մեկնեցին ուխտավորաբար Մայր Աթոռում գտնվող Ս. Վաչե արքեպս. Հովսեփյանը, Ս. Թորգոմ արքեպս. Մանուկյանը և Ս. Զավեն արքեպս. Չինչիկյանը:

Մարտի 15-ին Փարիզ մեկնեց նաև Գերագույն Հոգևոր Խորհրդի անդամ պրն. Արմեն Բարսեղյանը:

* * *

Մարտի 15-ին, կիրակի.—Գ կիրակի Քառասնորդական Պահոց (Անառակին):

Այսօր Մայր տաճարում, Ավագ խորանի վրա, ս. պատարագ մատուցեց Ս. Խաչատուր քին. Ֆրանկյանը: «Հայր մեր»-ից առաջ քարոզ խոսեց Ս. Արամ արք. Բոյաչյանը՝ «Հայր, մեղայ յերկինս եւ առաջի քո, եւ ոչ ես եմ արժանի կոչել որդի քո, արա զիս իբրեւ զմի ի վարձկանաց քոց» (Ղուկ. ԺԵ 18—20) բնաբանով:

Ս. պատարագին ներկա էր Վեհափառ Հայրապետը:

* * *

Մարտի 18-ին, չորեքշաբթի.—Այսօր Վեհափառում, Վեհափառ Հայրապետի նախագահությամբ, տեղի ունեցավ հերթական միաբանական հավաքույթ:

* * *

Մարտի 22-ին, կիրակի.—Դ կիրակի Քառասնորդական Պահոց (Տնտեսին):

Այսօր Մայր տաճարում, Ավագ ս. սեղանի վրա, ս. պատարագ մատուցեց Ս. Արտակ քին. Սիմոնյանը: «Հայր մեր»-ից առաջ քարոզ խոսեց Ս. Զավեն արք. Խաչատրյանը՝ «Զի որդիք աշխարհիս աւտրիկ իմաստնագույնք եմ քան զորդիս լուսու» (Ղուկ. ԺԶ 8) բնաբանով:

Ս. պատարագին ներկա էր Վեհափառ Հայրապետը:

* * *

Մարտի 25-ին, չորեքշաբթի.—Այսօր Վեհափառում, Վեհափառ Հայրապետի նախագահությամբ, տեղի ունեցավ հերթական միաբանական հավաքույթ: